

## **KANTON SARAJEVO- Skupština Kantona Sarajevo**

**Zastupnik u Skupštini Kantona Sarajevo: Aljović Hamed**

## **KANTON SARAJEVO-Skupština Kantona Sarajevo**

**Presjedavajući: Elvedin Okerić**

U skladu sa članovima 106., 213. i 214. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst, broj: 41/12, 15/13, 47/13, 47/15 i 48/16),- upućujem sljedeće

### **ZASTUPNIČKO PITANJE-**

Postavljam pitanja Ministarstvu privrede Kantona Sarajevo i Turističkoj zajednici Kantona Sarajevo:

1. U kojoj fazi je izrada Strategije turizma Kantona Sarajevo?
2. Da li je formirana radna grupa , koo čini radnu grupu i da li su u istoj zastupljenih predstvnici jedinica lokalne samouprave?
3. Koja su to proglašena turistička mjesta/područja na lokalitetu općine Trnovo?
4. Da li je Komisija za proglašenje turističkog mjesta aktivno radno tijelo i ko su članovi prednje navedene Komisije?

### **OBRAZLOŽENJE:**

Polazeći od značajnih turističkih potencijala Općine Trnovo ,te Kantona Sarajevo u cijelini, javlja se neodloživa potreba uključivanja jedinice lokalne samouprave u okviru njene nadležnosti u djelokrug uređenja predmetne oblasti u okviru Kantona.

*Zakon o turizmu („Službene novine KS“ br. 19/16, 31/17, 34/17)*

...“Član 4.

*Planska dokumenta u turizmu su:*

- a) *Strategija razvoja turizma Kantona Sarajevo*
- b) *Marketing plan turizma Kantona Sarajevo*
- c) *Plan promocije turizma Kantona Sarajevo*
- d) *Master-plan*

e) *Strategija razvoja turizma jedinice lokalne samouprave.*  
(2) *Planska dokumenta iz stava (1) tač. b), c), d) i e) ovog člana moraju biti usaglašena sa Strategijom razvoja turizma Kantona Sarajevo. "...*

*... "Član 8.*

*(Strategija razvoja turizma jedinice lokalne samouprave)*

*(1) Strategija razvoja turizma jedinice lokalne samouprave je planski dokument, kojim se bliže određuje razvoj prioriternih turističkih proizvoda utvrđenih Strategijom Kantona.*

*(2) Strategiju razvoja turizma jedinice lokalne samouprave donosi vijeće jedinice lokalne samouprave uz aktivno učešće svih turističkih subjekata na području jedinice lokalne samouprave.*

*(3) Strategija razvoja se mora donijeti u roku od šest mjeseci od dana donošenja odluke o proglašenju nekog lokaliteta turističkim mjestom. "...*

Slijedom prednjih odredbi važećeg Zakona o turizmu, zakonski je utvrđena obaveza izrade provodno planskih dokumenata u ovoj oblasti između ostalih i na lokalnom kantonalnom nivou.

*... "Član 11.*

*(Turističko mjesto)*

*(1) Turističko mjesto je organizaciona i funkcionalna cjelina sa formiranom turističkom ponudom, prirodnim vrijednostima, kulturnim dobrima, znamenitostima od značaja za turizam, komunalnom, saobraćajnom i turističkom infrastrukturom i drugim sadržajima za smještaj i boravak turista na području jedinice lokalne samouprave (općina ili grad).*

*(2) Ministarstvo proglašava područje jedinice lokalne samouprave za turističko mjesto na osnovu kvalitativnih i kvantitativnih pokazatelja.*

*(3) Područje jedinice lokalne samouprave proglašava se kao turističko mjesto ukoliko ispunjava uslove propisane ovim zakonom i propisima donesenim na osnovu ovog zakona.*

*(4) Ministar privrede Kantona Sarajevo (u daljem tekstu: ministar) pravilnikom propisuje bliže uslove i kriterije za proglašavanje turističkog mjesta, određuje kvalitativne i kvantitativne kriterije za proglašavanje turističkog mjesta.*

*(5) Pravilnik se mora donijeti u roku od šest mjeseci od dana stupanja na snagu ovog zakona.*

*Član 12.*

*(Komisija)*

*(1) Ministar rješenjem imenuje Komisiju za proglašenje turističkog mjesta.*

*(2) Ministar, na prijedlog Komisije iz stava (1) ovog člana, donosi rješenje o proglašenju područja jedinice lokalne samouprave, kao turističkog mjesta.*

*(3) Rješenje iz stava (2) ovog člana podliježe reviziji nakon isteka roka od pet godina od dana njegovog dostavljanja "...*

Općine nemaju niti mogućnost da iniciraju koje će se mjesto proglasiti turističkim mjestom, nego je to odluka nadležne Komisije koja vrši procjenu prema svojoj ocjeni a temeljem kvantitativnih i kvalitativnih pokazatelja.

Molim pismeno očitovanje.

Zastupnik;

Hamed Aljović

Sarajevo: 15.03.2022.god.

